



Broj: 01-49-919/18-4
Datum: 3.12.2018. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-49-919/18-3 od 3.12.2018. godine, načelnik Općine Travnik, d o n o s i;

R J E Š E N J E

o izboru najpovoljnijeg ponuđača

- (1) Najpovoljnija ponuda za javnu nabavku usluga: „Nabavka usluga izrade i dopune regulacionih planova“ sa podjelom na lotove je ponuda ponuđača „IPSA INSTITUT“ d.o.o. Sarajevo sa ponuđenom cijenom za:
 - LOT I - Usluge izrade izmjene i dopune Regulacionog plana „Babanovac“ Vlašić, lokalitet „Centar“ u iznosu od 4.200,00 KM bez PDV-a;
 - LOT II - Usluge izrade izmjene i dopune dijela Regulacionog plana „Babanovac“ Istok, Vlašić lokalitet „EKO ZONA“ u iznosu od 7.860,00 KM bez PDV-a
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude. Prijedlog ugovora o nabavci dostavit će se na potpis gore izabranom ponuđaču po protoku roka od 5 dana od dana kada svi ponuđači budu obaviješteni o izboru najpovoljnije ponude.
- (3) Za izvršenje ovog Rješenja i praćenje realizacije ugovora zadužuje se Služba za urbanizam, građenje, katastar i imovinsko – pravne poslove.
- (4) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (5) Ovo Rješenje stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) zakona o javnim nabavkama.

O b r a z l o ž e n j e

Postupak javne nabavke usluga: „Nabavka usluga izrade i dopune regulacionih planova“ sa podjelom na lotove, pokrenut je Rješenjem o pokretanju postupka javne nabavke broj 01-49-919/18 od 1.11.2018. godine. Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke iznosi 13.675,00 KM, što predstavlja zbir procijenjenih vrijednosti nabavke iz dva lota: LOT I – Usluge izrade izmjene i dopune Regulacionog plana „Babanovac“ Vlašić, lokalitet „Centar“ 5.128,20 KM i LOT II - Usluge izrade izmjene i dopune dijela Regulacionog plana „Babanovac“ Istok, Vlašić lokalitet „EKO ZONA“ 8.547,00 KM.

Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-7-2-137-3-96/18 od 14.11.2018. godine. Poziv za dostavljanje ponuda upućen je sljedećim ponuđačima: „IPSA INSTITUT“ d.o.o. SARAJEVO, „TRIM GRUPA“ D.O.O. TRAVNIK i „DOM PROJEKT“ D.O.O. TRAVNIK.

Rok za dostavljanje ponude bio je 30.11.2018. godine.

Komisija za ovu javnu nabavku imenovana je Rješenjem broj: 01-34-16-113/18-1 od 25.6.2018. godine. Komisija je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda nisu prisustvovali predstavnici ponuđača. Zapisnik o otvaranju ponuda ponuđačima je prosljeđen 30.11.2018. godine.

Ponudu za oba lota je dostavio sljedeći ponuđač:

- „IPSA INSTITUT“ d.o.o. Sarajevo, ponuda zaprimljena 29.11.2018. godine

Komisija za javne nabavke Općine Travnik dostavila je dana 3.12.2018. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-49-919/18-3, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji konkurentskog zahtjeva za dostavljanje ponuda. Uvidom u priloženu dokumentaciju, Komisija za ovu javnu nabavku, utvrdila je da ponuda ispunjava minimum uslova, odnosno zahtjeva ugovornog organa koje je isti zahtijevao u Tenderskoj dokumentaciji, te sačinila rang listu kako slijedi:

LOT I - Usluge izrade izmjene i dopune Regulacionog plana „Babanovac” Vlašić, lokalitet “Centar”

| Rang | Naziv i sjedište ponuđača | Ponuđeni popust | Ukupna cijena ponude |
|------|--|-----------------|--|
| 1 | „IPSA INSTITUT“ d.o.o. Sarajevo, Put života bb, 71000 Sarajevo | 0,00 KM | 4.200,00 bez PDV-a Popust: 0,00 KM 4.200,00 KM sa popustom bez PDV-a PDV= 714,00 KM 4.914,00 KM sa popustom i PDV-om |

LOT II - Usluge izrade izmjene i dopune dijela Regulacionog plana “Babanovac” Istok, Vlašić lokalitet “EKO ZONA”

| Rang | Naziv i sjedište ponuđača | Ponuđeni popust | Ukupna cijena ponude |
|------|--|-----------------|--|
| 1 | „IPSA INSTITUT“ d.o.o. Sarajevo, Put života bb, 71000 Sarajevo | 0,00 KM | 7.860,00 bez PDV-a Popust: 0,00 KM 7.860,00 KM sa popustom bez PDV-a PDV= 1.336,20 KM 9.196,20 KM sa popustom i PDV-om |

Komisija je predložila ugovornom organu da u skladu sa članom 69. stav (1) alineja pod a) i člana 70. stav (1) Zakona o javnim nabavkama BiH postupak javne nabavke u konkurentskom zahtjevu za dostavljanje ponuda javne nabavke usluga: „Nabavka usluga izrade i dopune regulacionih planova“ sa podjelom na lotove okonča zaključivanjem ugovora sa najpovoljnijim kvalifikovanim ponuđačem „IPSA INSTITUT“ d.o.o. Sarajevo.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Izabrani ponuđač „IPSA INSTITUT“ d.o.o. Sarajevo je izabran primjenom kriterija najniže cijene, koja je ponuđena u iznosu od 4.200,00 KM za usluge iz lota I i 7.860,00 KM za usluge iz lota II bez uračunatog PDV-a.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 5 (pet) dana od prijema istog.

Naknada za žalbu je propisana članom 108. Zakona o javnim nabavakama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima,
2. Arhiva.



N A Č E L N I K

Admir Hadžiemrić, dipl. ecc.

